



Drejtoria e Përgjithshme e Standardizimit (DPS) është organizmi kombëtar i standardizimit në Republikën e Shqipërisë, i krijuar rreth 61 vjet më parë. Ajo përfaqëson Republikën e Shqipërisë në organizatat evropiane e ndërkombëtare të standardizimit dhe interesat e të gjithë ekonomisë së vendit në hartimin dhe adoptimin e standardeve evropiane e ndërkombëtare si standarde shqiptare (S SH). Hartimi dhe adoptimi i standardeve konsiston në nevojat që kanë ndërmarrjet prodhuese dhe të shërbimit, pavarësisht nga forma dhe madhësia e tyre, bizneset, qeveria dhe konsumatorët për t'i siguruar atyre standarde të cilat plotësojnë nevojat e tyre për cilësi dhe aftësi konkurruese më të madhe.

DPS-ja është person juridik publik me mbështetje nga shteti, në varësi të Ministrit të Ekonomisë, Tregtisë dhe Energjetikës (METE).

Ajo bashkëpunon ngushtë me institucionet e tjera të infrastrukturës së cilësisë në vend duke i vënë atyre në dispozicion standardet evropiane dhe ndërkombëtare në fuqi me objektivin që infrastruktura e cilësisë në Shqipëri të kryejë funksionet e saj sipas këtyre standardeve.

Me mbështetjen e Qeverisë Shqiptare dhe me asistencën teknike të Komunitetit Evropian, DPS-ja ka marrë masat e nevojshme për të rritur rolin e saj në hartimin dhe adoptimin e standardeve për përdorim publik, informimin rreth standardeve, duke respektuar parimin e natyrës vullnetare të standardeve dhe lidhjen e tyre të ngushtë me zbatimin e legjislacionit.

DPS-ja është institucion publik i njohur nga Shteti Shqiptar dhe në nivel evropian e ndërkombëtar si organizmi kombëtar i standardizimit në Shqipëri në shërbim të ekonomisë dhe të të gjitha palëve të interesuara, duke u siguruar atyre standardet e të gjitha fushave.

DPS-ja e realizon shitjen e standardeve duke u bazuar në tarifat e miratuara nga Ministria e Financave pa qëllime fitimi. DPS-ja është i vetmi institucion publik në Shqipëri i certifikuar sipas standardit ndërkombëtar ISO 9001:2008. Kjo do të thotë që punohet sipas një sistemi i cili kujdeset në vazhdimësi për përmirësimin e shërbimit që i ofrohet të tretëve.

Të jetojmë me Standarde Evropiane!



Të dhëna të rëndësishme

- DPS-ja u siguron të interesuarve të gjitha standardet e publikuara nga organizmat evropiane të standardizimit CEN, CENELEC, ETSI, si standarde shqiptare (S SH).
- DPS-ja, duke konsideruar me përparësi kërkesat e ekonomisë në vend për standarde kryesisht evropiane dhe ndërkombëtare adopton çdo muaj, nëpërmjet Komiteteve Teknike, mesatarisht 200 ÷ 300 standarde EN dhe ISO/IEC si standarde shqiptare (S SH) duke i vënë ato në dispozicion të të gjitha palëve të interesuara.
- DPS-ja angazhon çdo vit mbi 400 specialistë dhe ekspertë të fushave të ndryshme si pjesë aktive e procesit të adoptimit të standardeve.
- Çmimi për një standard shqiptar varion nga 1190 lekë ÷ 25882 lekë dhe për bashkëpunëtorët çmimet shkojnë nga 595 lekë ÷ 12941 lekë.
- DPS-ja, në varësi të nevojave të tregut, rishikon politikat e çmimeve dhe ia propozon ato Ministrisë së Financave për miratim.
- Çmimet e standardeve shqiptare (S SH) janë afërsisht sa 30 përqind e çmimeve të standardeve ndërkombëtare.
- Si rezultat i kërkesave në rritje nga biznesi vendas për të prodhuar dhe shërbyer sipas standardeve evropiane dhe ndërkombëtare në fuqi, numri i standardeve të shitura nga viti në vit ka ardhur duke u rritur. Gjatë periudhës Prill ÷ Qershor 2011 janë shitur gjithsej 291 standarde ku nga këto 259 janë S SH EN, S SH EN ISO, S SH EN IEC, etj.
- Ndër standardet më të kërkuara në botë është standardi ndërkombëtar ISO 9001 për Sistemet e Menaxhimit të Cilësisë, i cili është përdorur nga mbi 1 milion organizata në 178 shtete dhe ekonomi të ndryshme të globit. Ky informacion është marrë nga faqja e internetit të ISO-s.
- Standardet më të kërkuara në Shqipëri janë standardet e ndërtimit, të naftës dhe benzinës (S SH EN 590 dhe S SH EN 228), standardet e menaxhimit të cilësisë S SH ISO 9001 dhe S SH ISO 17025 për akreditimin e laboratorëve, etj.
- DPS-ja është anëtare pa të drejtë vote në organizatat evropiane e ndërkombëtare të standardizimit CEN & CENELEC dhe ISO.
- Në Maj 2009 DPS-ja u pranua Anëtare e Asociuar në IEC, që do të thotë se ekonomia vendase, nëpërmjet DPS-së, mund të ketë të gjitha standardet e



fushës së elektroteknikës që mbulon IEC. DPS-ja është anëtare me të drejtë vote të pjesshme (vetëm për 4 komitetet teknike që merr pjesë) në IEC.

- DPS-ja krahas të tjerave, ka objektiv të saj kryesor, plotësimin e kushteve për t'u bërë anëtare me të drejta të plota në këto organizata dhe përmirësimin e punës së saj sipas modelit dhe praktikave më të mira evropiane dhe ndërkombëtare.

Për më tepër na kontaktoni:

Drejtoria e Përgjithshme e Standardizimit

Rruga "Mine Peza", Nr. 143/3, 1014 – Tiranë

Kutia Postare Nr. 98

Tel: +355 (04) 222 62 55

Fax: +355 (04) 224 71 77

E-mail: info@dps.gov.al

Web: www.dps.gov.al